

Møteprotokoll

Utvalg: Nasjonalparkstyret for Jotunheimen og Utladalen
Møtestad: Årdal / Vågå
Dato: 24.02.2016
Tidspunkt: 14:00 – 15:20

Følgjande faste medlemmer møtte:

Namn	Funksjon	Representerer
Iselin Jonassen		Vågå kommune
Bjarne Eiolf Holø		Lom kommune
Sandra Opheim		Årdal kommune
Aleksander Øren Heen		Sogn og Fjordane f.k.
Aud Hove		Oppland f.k.

Følgjande medlemmer hadde meldt forfall:

Namn	Funksjon	Representerer
Ivar Kvalen		
Leif Solemsli		

Følgjande varamedlemmer møtte:

Namn	Møtte for	Representerer
Kari Bø Wangensteen	Leif Solemsli	Vang kommune
Marit Aakre Tennø	Ivar Kvalen	Luster kommune

Merknader

Mai Bakken, leiar for styret 2012-15, leia møtet fram til konstituering/val i sak 3. Deretter tok Iselin Jonassen over møteleiinga, som nyvald nestleiar.

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvalgs- saksnr	Innhold	Lukka	Arkiv- saksnr
ST 1/2016	Godkjenning av innkalling og dagsorden		
ST 2/2016	Referatsaker		
RS	Nasjonalparkstyret for Jotunheimen og Utladalen - Årsmelding 2015		2016/1285
RS	Statens Naturoppsyn - Årsrapport kulturminner Oppland 2015		2015/8327
ST 3/2016	Nasjonalparkstyret for Jotunheimen og Utladalen - Konstituering 2016-2019		2015/5744
ST 4/2016	Nasjonalparkstyret for Jotunheimen og Utladalen - Årshjul og møteplan 1. halvår 2016		2016/65
ST 5/2016	Sak - Jotunheimen nasjonalpark - Gjenoppføring av Gjertvasshytta - Luster Austre statsallmenning		2016/1060
ST 6/2016	Jotunheimen nasjonalpark - Dispensasjon - Motorferdsel - 2016 - Kjentmannskøyering og naudnett - Luster Røde Kors		2015/8147
ST 7/2016	Jotunheimen nasjonalpark - Dispensasjon - Motorferdsel - 2016-2017 - Kjentmannskøyering - Lom og Vågå Røde Kors Hjelpekorps		2014/2790
ST 8/2016	Forslag til endringer i regelverk for bruk av el- sykkel i utmark og på behov for endring i forskrift for bruk av motorkjøretøyer i utmark og på islagte vassdrag for persontransport - Uttale		2015/8247
ST 9/2016	Sak - Jotunheimen nasjonalpark - Dispensasjon - Utviding av tidsrom for kvisting av løyper - DNT Oslo og Omegn		2016/994
ST 10/2016	Jotunheimen nasjonalpark - Dispensasjon - Motorferdsel - 2016-2020 - Bruk av snøskuter for snømåling - Glommens og Laagens Brukseierforening		2015/8267
ST 11/2016	Jotunheimen nasjonalpark - Dispensasjon - Motorferdsel - 2016-2020 - fornya løyve for bruk av snøscooter til snømålinger - Vang Energiverk FK		2015/8157
ST 12/2016	Jotunheimen nasjonalpark - Dispensasjon - Motorferdsel - 2016-2020 - Drift av reguleringsanlegg - Snømålinger tilknyttet Fortun kraftanlegg - Norsk Hydro ASA		2016/832

ST 13/2016	Jotunheimen Nasjonalpark - Dispensasjon - Motorferdsel - 2016-2020 - Bruk av helikopter og snøscooter for bremålingar - Norges vassdrags- og energidirektorat	2015/7945
ST 14/2016	Nasjonalparkstyret for Jotunheimen og Utladalen - Delegeringsreglement	2016/108
ST 15/2016	Sak - Jotunheimen nasjonalpark og Utladalen landskapsvernområde - Dispensasjon - Motorferdsel - 2016-2020 - Frakt av varer og brensel i samband med gjeting av sauer i Guridalen og ved buføring av sauer - Utladalen sameige	2016/1299
ST 16/2016	Eventuelt	

ST 1/2016 Godkjenning av innkalling og dagsorden

Saksprotokoll i Nasjonalparkstyret for Jotunheimen og Utladalen - 24.02.2016

Avtroppande leiar Mai Bakken innleia med å ønskje velkomen. Ho helsa frå det gamle styret, og takka for å ha fått vore med i eit interessant arbeid som leiar for nasjonalparkstyret for Jotunheimen og Utladalen i perioden 2012-2015. Ho understreka det gode samarbeidet med nestleiar Ivar Kvalen og resten av styret.

Vedtak

Innkalling og dagsorden godkjent.

Nestleiar Iselin Jonassen tok opp spørsmålet om behandling av ettersendt tilleggssak da ho tok over møteleiinga. Styret godkjende å ta denne opp som sak 15/2016.

ST 2/2016 Referatsaker

Saksprotokoll i Nasjonalparkstyret for Jotunheimen og Utladalen - 24.02.2016

Årsmeldinga er sendt ut til alle i styret ved e-post.

Vedtak

Referatsakene vart tekne til orientering.

Nasjonalparkstyret for Jotunheimen og Utladalen - Årsmelding 2015	2016/1285
Statens Naturoppsyn - Årsrapport kulturminner Oppland 2015	2015/8327

ST 3/2016 Nasjonalparkstyret for Jotunheimen og Utladalen - Konstituering 2016-2019

Saksprotokoll i Nasjonalparkstyret for Jotunheimen og Utladalen - 24.02.2016

Brev av 16.02.16 frå Miljødirektoratet stadfestar korrigerings av styreoppnemninga, etter påpeiking av mistyding frå Årdal og Luster kommunar. Korrekt styresamansetnad utsendt ved e-post før møtet.

Iselin Jonassen sette fram forslag på Ivar Kvalen som leiar.

Bjarne Eiolf Holø foreslo Iselin Jonassen som ny nestleiar.

Marit Aakre Tennø foreslo Bjarne Eiolf Holø som medlem av arbeidsutvalet

Aleksander Øren Heen foreslo Leif Solemsli som 1. vara til AU

Iselin Jonassen foreslo Sandra Opheim som 2. vara til AU

Nyvald nestleiar Iselin Jonassen tok over møteleiinga etter sak 3, og takka Mai Bakken for innsatsen som styreleiar.

Vedtak

I medhald av pkt. 4 og 5 i gjeldande vedtekter av 13.08.15 for Nasjonalparkstyret for Jotunheimen og Utladalen blir styret konstituert med val av leiar, nestleiar og arbeidsutval. Følgjande er valde:

Leiar: Ivar Kvalen, Luster

Nestleiar: Iselin Jonassen, Vågå

Arbeidsutvalet består av leiar, nestleiar og 1 medlem.

Medlem Arbeidsutval: Bjarne Eiolf Holø, Lom

Vararepresentantar til AU, i nummerert rekkefølge:

1. Leif Solemsli, Vang

2. Sandra Opheim, Årdal

ST 4/2016 Nasjonalparkstyret for Jotunheimen og Utladalen - Årshjul og møteplan 1. halvår 2016

Saksprotokoll i Nasjonalparkstyret for Jotunheimen og Utladalen - 24.02.2016

Magnus Snøtun orienterte om nytt opplegg for reise- og møtegodtgjersle.

Bjarne E. Holø foreslo at ein av forvaltarane sender ut møteinnkalling i kalender, slik at møtedagar blir reservert. Vararepresentantart vert oppmoda til å setja av dagane som førebels når innkallinga kjem.

Tid til førebuing bør stipulerast for kvart møte, slik at det vert mest mogleg likt.

Vedtak

Nasjonalparkstyret vil møtast jamleg for å kunne gje svar på dispensasjonssøknader innan rimeleg tid og å halde fristar i andre saker. Styret tek sikte på minst eitt møte med synfaring i løpet av året, møtast fysisk om lag ein gong i kvartalet, og fyller ut med telefonmøte etter behov. Enklare saker kan avgjerast i medhald av delegering til arbeidsutval og sekretariat.

Årshjul for nasjonalparkstyret:

- Møte med synfaring: september (2 dagar)
- Fysisk møte: April, juni og oktober
- Andre møte: Om lag ein gong i månaden
Varierande mellom styremøte og AU-møte (basert på delegasjonsreglane)
Telefon-/videomøte eller e-postbehandling vert nytta ved behov

Møtedatoar Nasjonalparkstyret 1. halvår 2016 (kan bli justert):

- 24. februar (telefon-/videomøte)
- 4.-5. april – Kompetansedagar, felles for verneområda i Sogn og Fjordane (Sogndal)
- 12.-13. april – Kompetansedagar, felles opplegg med Breheimen og Reinheimen (Lom)
- 11. mai (telefon-/videomøte)
- 17. juni

Ut over dette kan det kallast inn til telefon- eller e-postbehandling ved behov.

ST 5/2016 Sak - Jotunheimen nasjonalpark - Gjenoppføring av Gjertvasshytta - Luster Austre statsallmenning

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Nasjonalparkstyret for Jotunheimen og Utladalen gjev etter § 3, 1.3c i verneforskrifta for Jotunheimen nasjonalpark løyve til å byggje opp att Gjertvasshytta i samsvar med søknad på følgjande vilkår:

- Tomteplassering kan flyttast ca. 250 mot aust-nord aust
- Grunnmur skal etablerast sikkert for å unngå unødige setningar. Synleg betong skal i størst mogleg grad dekkast til.
- Hytta skal ha eit areal på inntil 15 m² med eitt vindauge på langsiden og eitt ved sida av inngangsdøra. Laftekassen skal ikkje vere høgare enn 200 cm.
- Taket skal vere av papp/shingel. Hytta skal målast med tjære/beis/jernvitrol i grå/brunfarge som er tilpassa fagrane i landskapet. Det skal ikkje nyttast heildekkande måling. Dør og eventuelle lemmer føre vindauge skal ha same type behandling som resten av hytta.
- Uthuset skal byggast med same material og behandlast på same måte som hytta. Uthuset skal ikkje ha ei grunnflate som overstiger 5 m². Laftekassen skal vere rektangulær og det kan settast 1 vindauge i uthuset på inntil 30x30 cm. Uthuset skal ikkje stå fram som ei lita hytte, men som eit uthus til hytta.

I tillegg gjev Nasjonalparkstyret for Jotunheimen og Utladalen etter § 3, 6.3f i verneforskrifta for Jotunheimen nasjonalpark løyve til motorferdsel i samband med å byggje opp att Gjertvasshytta på følgjande vilkår:

- Inntil 3 turar med 2 skuterar for grunnarbeid.
- Løyve til skuterturarar gjeld frå 20. april til 30. juni 2016.
- Inntil 10 turar med helikopter for transport av material til hytta.
- Løyve til helikopterflyging gjeld frå 01.juni – 10. juli 2016 (før fellesferien), men inntil 2 turar kan nyttast til uttransport av utstyr og søppel etter fellesferien (1.august – 30.september 2016)
- Lokalt SNO skal varslast per telefon/SMS i forkant av turane (tlf. 959 65 158).

Dato, tal skuterturar, tal skuterear, tal helikopterturar skal rapporterast til nasjonalparkforvaltar innan 01. november 2016.

ST 6/2016 Jotunheimen nasjonalpark - Dispensasjon - Motorferdsel - 2016 - Kjentmannskøyning og naudnett - Luster Røde Kors

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Nasjonalparkstyret for Jotunheimen og Utladalen gjev etter § 48 i naturmangfaldslova løyve til uttesting naudnett i 2016 for Luster Røde Kors Hjelpekorps i samsvar med øvingsplan på følgjande vilkår:

- Løyve gjeld for uttesting gjeld fram til 19. mars 2016 i samsvar med gjeldande løyve for kjentmannskøyning.
- Tal turar er styrt av politiet si godkjenning.
- Det skal visast generell omsyn til andre interesser og naturverdiar i området.
- Etter retningslinjene for kjentmannskøyning, skal lokal redningssentral varsel forvaltninga ved utskrivning av køyreordre. Lokalt SNO skal varslast per telefon/SMS i forkant av kjentmannsturane (tlf. 959 65 158).
- Dato og talet på snøskuterar skal rapporterast til nasjonalparkforvaltar innan 01. juli 2016.

ST 7/2016 Jotunheimen nasjonalpark - Dispensasjon - Motorferdsel - 2016-2017 - Kjentmannskøyning - Lom og Vågå Røde Kors Hjelpekorps

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Nasjonalparkstyret for Jotunheimen og Utladalen gjev etter § 48 i naturmangfaldslova løyve til uttesting naudnett i 2016 for Lom og Vågå Røde Kors Hjelpekorps i samsvar med øvingsplan på følgjande vilkår:

- Vågå Røde Kors Hjelpekorps: gjeld utplassering av repeater i tråd med kart i søknad i Gjendeområdet.
- Lom Røde Kors Hjelpekorps:
 - o Leirvassbu – Langvatnet – Gjendebu
 - o Langvatnet – Hinnotetjønne – Memurudalen
 - o Langvatnet – Rauddalsbandet – Olavsbu/Rauddalen
 - o Leirvassbu – Visdalen
 - o Visdalen – Skautflya – Glitterheim
- Løyve gjeld for uttesting gjeld fram til 18. mars 2016. Det er planlagt gjennomføring helga 5.- 6. mars, men kan flyttast om forholda gjer at ein ikkje kan gjennomføre uttestinga.
- For å teste kommunikasjon, vil det vere behov for fleire skuterar ute samtidig og ein del att og fram. Det er viktig at arbeidet vert gjort effektivt. Likevel er det viktig at ein tek omsyn til andre brukarar i området. Det vert derfor sett grense på inntil 4 skuterar frå kvart av hjelpekorpsa.
- Det skal visast generell omsyn til andre interesser og naturverdiar i området.
- Etter retningslinjene for kjentmannskøyning, skal lokal redningssentral varsel forvaltninga ved utskrivning av køyreordre. Lokalt SNO skal varslast per telefon/SMS i forkant av kjentmannsturane (tlf. 959 65 158).
- Dato og talet på snøskuterar skal rapporterast til nasjonalparkforvaltar innan 01. juli 2016.

Nasjonalparkstyret for Jotunheimen og Utladalen gjev etter § 48 i naturmangfaldslova løyve til kjentmannskøyning i 2016 og 2017 for Vågå Røde Kors Hjelpekorps:

- Løyve gjeld tilkomst til sørsida av Besshø
- Løyve gjeld 2 tur for inntil 3 skutarar for kvart år.
- Løyve gjeld til og med helga før palmesøndag og frå 2. påskedag til og med første helga etter.
- Det skal visast generell omsyn til andre interesser og naturverdiar i området.
- Etter retningslinjene for kjentmannskøyning, skal lokal redningssentral varsel forvaltninga ved utskrivning av køyreordre. Lokalt SNO skal varslast per telefon/SMS i forkant av kjentmannsturane (tlf. 959 65 158).
- Dato og talet på snøskuterar skal rapporterast til nasjonalparkforvaltar innan 01. juli kvart år.

ST 8/2016 Forslag til endringar i regelverk for bruk av el-sykkel i utmark og på behov for endring i forskrift for bruk av motorkjøretøyer i utmark og på islagte vassdrag for persontransport - Uttale

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Nasjonalparkstyret for Jotunheimen og Utladalen ser at det kan vera behov for ei modernisering av regelverket når det gjeld forholdet til el-syklar. Dette vil gjera det enklare for nye grupper å koma seg ut i naturen, som eit alternativ til vanleg sykkel.

Samstundes ser ein at auka sykkelbruk også kan medføre uønskt slitasje og moglegheit for forstyrring ved at rekkevidda aukar når det blir opna for sykkel med hjelpemotor. Nasjonalparkstyret meiner derfor at ny § 2a. i forskrift til motorferdsellova må presisere at bruk av el-sykkel er avgrensa til veg og opparbeidd stig: «*Bruk av motorisert kjøretøy som etter vegtrafikklovgivningen regnes som sykkel er tillatt på veg og opparbeidd sti i utmark.*»

Dette fordi det er vanskeleg å vurdere verknad på naturverdiane om det vert opna for sykling etter alle slags stigar og trakk. Førre-var-prinsippet etter naturmangfaldlova § 9 tilseier at ein bør ha ei avgrensing som definerer kva type stigar som er sykkeltrasear. Med krav til *opparbeidd* stig vil ein kunne redusere omfanget av terrengskader på gamle trakk og stigar som lett får djupe spor og påfølgjande vasserosjon dersom det blir sykla der forholda ikkje ligg til rette for det. Denne avgrensinga vil også hindre auka grad av forstyrring og redusere konfliktpotensialet mellom ulike brukargrupper. Dette vil vera eit godt kompromiss mellom auka tilgjenge og vern av naturen, både i og utanfor verneområda. Innan verneområde vil ein i tillegg ha høve til å styre både el-syklar og vanlege syklar til område som er robuste nok til å tole denne typen bruk, jf. § 3 pkt. 5.3 i verneforskriftene for Jotunheimen NP og Utladalen LVO.

Det er elles relativt liten skilnad i påverknad frå vanleg sykkel og el-sykkel, men det kan vera grunn for å reflektere over behovet for lading av el-syklane. Når ein kjem inn i verneområda vil det vera avgrensa moglegheiter for lading, og dersom lading skal skje ved turistbedrifter som løyser eige energibehov ved bruk av straum frå dieselaggregat, kan eit auka energibehov frå andre brukarar medføre auka motorisert transport av drivstoff til bedriftene og auka utslepp i verneområdet. Slike forhold kan drøftast nærare i ein forvaltningsplan.

ST 9/2016 Sak - Jotunheimen nasjonalpark - Dispensasjon - Utviding av tidsrom for kvisting av løyper - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Nasjonalparkstyret for Jotunheimen og Utladalen gjev etter § 3 pkt.6.3k i verneforskrifta for Jotunheimen nasjonalpark løyve til utviding av tidsrommet for gjeldande løyve til kvisting i Jotunheimen nasjonalpark til 1. mai på følgjande strekningar i 2016:

- Fondsbu – Geithø – Raudalen – Olavsbu - Fondsbu (via Sjogholsvatnet).
- Fondsbu – Skogadalsbøen
- Dagsturløypene rundt Fondsbu.

Vilkår i løyve er likelydande som vilkår i løyve datert 02.06.2013.

ST 10/2016 Jotunheimen nasjonalpark - Dispensasjon - Motorferdsel - 2016-2020 - Bruk av snøskuter for snømåling - Glommens og Laagens Brukseierforening

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Glommens og Laagens Brukseierforening får med heimel i verneforskrift for Jotunheimen nasjonalpark § 3 pkt. 6.3. s) dispensasjon for nødvendig motorferdsel i samband med snømålingar, i tråd med søknad av 15.12.15. Løyvet er ei vidareføring av tidlegare løyve, og har liten innverknad på verneverdiar i områda.

Dispensasjonen gjeld med følgjande vilkår:

1. Løyvet gjeld for perioden 2016-2020
2. Motorferdsel er knytt til nødvendige snømålingar i områda Veodalen og Mjølkedalen, som vist på kartvedlegg til søknaden.
3. SNO v/ Rigmor Solem skal ha melding om dato seinast dagen før transport. Mobiltelefon 959 65 158, eller e-post rigmor.solem@miljodir.no
4. Bruk av snøscooter skal så langt det er råd ikkje skje på helgedagar av omsyn til friluftslivet.
5. Det skal takast omsyn til vilt og beitedyr (tamrein), og unngå unødig forstyrning.
6. Nasjonalparkforvaltninga ber om tilbakemelding i form e-post innan 1. juli kvart år, som viser årleg omfang av transporten.

ST 11/2016 Jotunheimen nasjonalpark - Dispensasjon - Motorferdsel - 2016-2020 - fornya løyve for bruk av snøscooter til snømålingar - Vang Energiverk FK

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Vang Energiverk KF får med heimel i verneforskrift for Utladalen landskapsvernområde § 3 pkt. 6.3. p) dispensasjon for bruk av snøskuter for inspeksjon og vedlikehald av 22 kV kraftlinje frå Tynoset til Koldedalsbekken, i tråd med søknad av 15.12.15.

Dispensasjonen er gjeve med følgjande vilkår:

Løyvet gjeld for perioden 2016-2020, med inntil 8 turar i året

1. Bruken av snøskuter avgrensar seg til det som er strengt naudsynt, og skal følgje kraftlinja
2. Berre ved akutt behov kan bruk av snøskuter skje i helg (laurdag-søndag) eller på heilagdagar. Til vanleg/planlagt inspeksjon og vedlikehald skal transporten leggjast til kvardagar (måndag-fredag). Dette av omsyn til friluftslivet.
3. Det skal takast omsyn til vilt for å unngå unødig forstyrning.
4. SNO v/ Rigmor Solem skal ha melding om dato seinast dagen før transport. Mobiltelefon 959 65 158, eller e-post rigmor.solem@miljodir.no Dersom førehandsvarsel ikkje er praktisk mogleg, skal melding gjevast så snart som råd i etterkant.
5. Nasjonalparkstyret ved sekretariatet skal innan 1. juli kvart år ha ein kortfatta rapport (e-post) om bruken av snøskuter gjennom vintersesongen.

Løyvet er vidareføring av tidlegare løyve, og har liten innverknad på verneverdiane.

ST 12/2016 Jotunheimen nasjonalpark - Dispensasjon - Motorferdsel - 2016-2020 - Drift av reguleringsanlegg - Snømålinger tilknyttet Fortun kraftanlegg - Norsk Hydro ASA

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Norsk Hydro ASA får med heimel i verneforskrift for Jotunheimen nasjonalpark § 3 pkt. 6.3. s) dispensasjon for nødvendig motorferdsel i samband med snømålingar, i tråd med søknad av 22.01.16. Løyvet er ei vidareføring av tidlegare løyve, som har hatt liten innverknad på verneverdiar i områda.

Dispensasjonen gjeld med følgjande vilkår:

1. Løyvet blir gjeve for ein 5-årsperiode, og gjeld for åra 2016-2020
2. Motorferdsla er knytt til nødvendige snømålingar i områda Ringsdalen og Rundhaugane ved Prestesteinsvatnet, som vist på kartvedlegg til søknaden.
3. SNO v/ Rigmor Solem skal ha melding om dato seinast dagen før transport. Mobiltelefon 959 65 158, eller e-post rigmor.solem@miljodir.no
4. Bruk av snøscooter til snømålingar skal ikkje leggjast til helgedagar av omsyn til friluftslivet.
5. Det skal takast omsyn til vilt og unngå unødig forstyrring av andre i området, jf. motorferdsellova § 8. Dersom ein møter villrein i den planlagde kjøretraseen, skal ein vente til dyra har trekt unna, eller kjøre ein omveg i god avstand frå dyra, om mogleg.
6. Nasjonalparkforvaltninga ber om tilbakemelding i form av e-post innan 1. juli kvart år, som viser årleg omfang av transporten.

ST 13/2016 Jotunheimen Nasjonalpark - Dispensasjon - Motorferdsel - 2016-2020 - Bruk av helikopter og snøscooter for bremålingar - Norges vassdrags- og energidirektorat

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

NVE får med heimel i verneforskrift og naturmangfaldlova dispensasjon for nødvendig motorferdsel i samband med bremålingar i Jotunheimen nasjonalpark, i tråd med søknad av 08.12.15. Løyve for bruk av snøscooter er heimla i verneforskrifta § 3 pkt. 6.3. s). Bruk av helikopter blir gjeve med heimel i naturmangfaldlovas § 48, jf. § 4 i verneforskrift for Jotunheimen nasjonalpark.

Dispensasjonen gjeld med følgjande vilkår:

1. Løyvet gjeld for perioden 2016-2020
2. Motorferdsla er knytt til transport av utstyr for målingar på desse breane: Storbreen (61°36'N, 8°8'Ø), Hellstugubreen (61°34'N, 8°26'Ø), Gråsubreen (61°39'N, 8°37'Ø). Breane blir besøkt 2-4 gonger i året, og løyvet gjeld to turar med snøscooter og ein tur med helikopter til desse områda pr. år.
3. SNO v/ Rigmor Solem skal ha melding om dato(ar) seinast dagen før transport. Mobil 959 65 158, eller e-post rigmor.solem@miljodir.no
4. Flyging nær vilt og beitedyr skal unngåast.
5. Bruk av helikopter og snøscooter skal så langt det er råd ikkje skje på helgedagar. Av omsyn til friluftslivet bør ein også halde avstand til eventuelle turfolk i områda.
6. Nasjonalparkforvaltninga ber om årleg tilbakemelding i form av e-post innan utgangen av året, som viser samla omfang av transporten.

ST 14/2016 Nasjonalparkstyret for Jotunheimen og Utladalen - Delegeringsreglement

Forvaltar si innstilling

1. Nasjonalparkstyret for Jotunheimen og Utladalen delegerer avgjerdsmakta for følgjande enkeltsaker, som ikkje er i konflikt med verneverdiane, til Arbeidsutvalet:
 - Hastesaker som krev avgjerd før det er aktuelt å kalle inn heile styret og der forvaltningsplanen tilseier at løyve kan/bør gjevast
 - Irreversible tiltak som byggjetiltak og terrenginngrep vert i utgangspunktet ikkje delegert, men AU kan i hastesaker likevel kunne behandle mindre tiltak som t.d. fasadeendring og mindre vesentlege tilpassingar på eksisterande bygg og anlegg.
 2. Nasjonalparkstyret for Jotunheimen og Utladalen gjev nasjonalparkforvaltarane myndigheit til å treffe vedtak i følgjande saker av kurant karakter:
 - Saker etter dei spesifiserte dispensasjonsreglane om ferdsel og motorferdsel i verneforskriftene - med unntak av dei store, fleirårige samleløyva som framleis skal liggje under styret (gjeld DNT, private turisthytter og Gjendebåten). Delegeringa omfattar desse punkta i § 3 pkt. 6.3. i verneforskrift for Jotunheimen: a), b), d) e), f), i), k), q), r), s) og t) og desse punkta under § 3 pkt. 6.3. i verneforskrift for Utladalen: a), b), c), d), e), f), g), i), j), k), l), m), n), o) og p).
 - Saker etter verneforskriftenes andre spesifiserte dispensasjonsreglar og etter naturmangfaldlova § 48 der:
 - a) Det dreiar seg om fornying av dispensasjon gjeve av styret eller arbeidsutvalet, og føresetnadene er tilnærma uendra.
 - b) Det er etablert forvaltningspraksis frå tilsvarande saker behandla av styret/AU.
 - c) Forvaltningsplanen gjev eintydige føringar for utfallet.
- Ved tvil skal forvaltar drøfte saka med styreleiar. Dette skal gå fram av saksutgreiinga dersom forvaltar fattar delegert vedtak i saka.
3. Alle vedtak fatta av Arbeidsutvalet og nasjonalparkforvaltarane på vegne av Nasjonalparkstyret skal vere i tråd med naturmangfaldlova, verneforskriftene og forvaltningsplan. Delegerte vedtak skal refererast for styret i komande møte.

Saksprotokoll i Nasjonalparkstyret for Jotunheimen og Utladalen - 24.02.2016

Iselin Jonassen foreslo at saka vert utsett, da dette er ei krevjande sak for eit nytt styre som i dag sit spreidd på fleire ulike plassar med kontakt via video og telefon.

Vedtak

Saka utsett.

**ST 15/2016 Sak - Jotunheimen nasjonalpark og Utladalen
landskapsvernområde - Dispensasjon - Motorferdsel - 2016-2020 - Frakt av
varer og brensel i samband med gjeting av sauer i Guridalen og ved buføring
av sauer - Utladalen sameige**

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

Med heimel i verneforskriftene for Jotunheimen nasjonalpark §3, 6.3 c) og Utladalen landskapsvernområde §3, 6.3.f) gjev Nasjonalparkstyre for Jotunheimen og Utladalen løyve til bruk av skuter til transport av varer og brensel til Guridalen i samband med gjeting, transport av ved og saltsteinar, utkøyring av salt til buføring og under buføring.

- Løyvet gjeld for inntil 10 turar med inntil 3 snøskuterar i tida 1. februar – 15.juli utanom heile påska (palmelaurdag – 1. påskedag). Ein skal prøve å unngå køyring på søndagar.
- Intern transport knytt til vedhogst til bruk i Guridalen og uttransport av saltstein skal gjennomførast i samband med turane for transport.
- Løyvet gjeld for 2016, 2017, 2018, 2019 og 2020.
- Hovudtraseen for skutertransporten er Turtagrø – Keisarpasset, men ved vanskelege snøforhold kan trase Turtagrø – Sognefjellshytta – Vettle Utladalen brukast.
- Omfanget av snøskuterkøyring avgrensar til det som er strengt naudsynt. Bruk av snøskuter skal ikkje lage nemneverdige spor i terrenget.
- Dersom snøforhold skulle verte for vanskelege, kan siste del av transport av varer, brensel og salt gjennomførast med inntil 3 helikopterhiv per år.
- Statens naturoppsyn v/ Rigmor Solem (tlf. 959 65 158) skal ha melding seinast dagen før bruk av skuter og rapport om bruk skal sendast nasjonalparkforvaltar innan 1. oktober kvart år.

ST 16/2016 Eventuelt

Saksprotokoll i Nasjonalparkstyret for Jotunheimen og Utladalen - 24.02.2016

Vedtak

- A) Det vart minna om kompetansedagar for nasjonalparkstyra
- Sogndal 4.-5. april
 - Lom 12.-13. april

Både styremedlemmer og varamedlemmer er velkomne til kompetansedagane, og utgifter og møtegodtgjersle vert dekt for alle.

- B) Tid for førebuing: 3 timar.